



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-I/25-1-40-374-3/21**
Datum: **07.09.2021. godine**

«Agencija za vodno područje rijeke Save» Sarajevo rješavajući po službenom zahtjevu «Agencije za vodno područje rijeke Save» Sarajevo podnesenom putem «Sektora za realizaciju investicionih projekata» za izdavanje prethodne vodne saglasnosti za vađenje materijala iz korita rijeke Krivaje, na lokalitetu Brezik, općina Zavidovići, na osnovu člana 139. stav (1) tačka 6. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99) **donosi**

RJEŠENJE **o prethodnoj vodnoj saglasnosti**

1. Podnosiocu zahtjeva «Agenciji za vodno područje rijeke Save» Sarajevo podnesenom putem «Sektora za realizaciju investicionih projekata» daje se prethodna vodna saglasnost u svrhu izrade Elaborata za vađenja materijala iz korita rijeke Krivaje, lokalitet «Brezik» koji obuhvata dijelove zemljišnih čestica označenih kao k.č.br. 3848, K.O. Hajdarevići i k.č.br. 1762 K.O. Krivaja, općina Zavidovići.
2. Prethodna vodna saglasnost prestaje da važi ukoliko u roku od tri godine, od dana izdavanja ovog rješenja, ne bude podnesen zahtjev za izdavanje vodne saglasnosti.
3. Prethodna vodna saglasnost se daje na osnovu pregleda dokumentacije dostavljene uz zahtjev i uz zadovoljenje slijedećih uslova:
 - 3.1. Za namjeravano vađenje materijala iz korita rijeke Krivaje na lokalitetu «Brezik» potrebno je pripremiti dokumentaciju – Elaborat vađenja materijala koji će sadržavati:
 - geodetska snimanja (ne starije od tri mjeseca) situacije i poprečnih profila riječnog korita (na rastojanju do 50,00 m) i uzdužne profile 1:100 ili detaljnije, koja se izvode preko operativnog poligonog vlaka sa osiguranjem krajnjih tačaka poprečnih profila na terenu trajnim biljegama uz položajni opis i nacrt (trigonometrijski obrazac 27), preko kojih će se po završetku radova izvršiti kontrolna geodetska snimanja,
 - izrada situacije lokaliteta na kome se planira vađenje materijala, uzdužnog i poprečnih profila riječnog korita u odgovarajućoj razmjeri,
 - tehničko rješenje načina izvođenja radova i utvrđivanje njihovog obima koje će obavezno uzeti u obzir da se tim radovima bitno ne remete prirodni procesi, ne remeti prirodna ravnoteža ekosistema ili ne pospiješi štetno djelovanje voda,
 - dinamika vađenja materijala,
 - bilans masa materijala,
 - definirati lokaciju i površinu deponije u zavisnosti od utvrđene količine materijala vodeći računa da se ista ne može nalaziti u inundacionom pojasu,
 - na osnovu podataka iz katastarskog plana, na preglednoj situaciji obilježiti granice parcela koje su u državnom, odnosno privatnom vlasništvu, a nalaze se u zoni planiranih radova i gradilišta, trasu pristupnog puta i lokaciju deponije izvađenog materijala,
 - deponija izvađenog materijala mora biti locirana izvan uticaja velikih voda (izvan plavnog područja) i izvan vodnog dobra i javnog vodnog dobra,
 - mogući uticaj na izvoršte pitke vode čije se zone sanitarne zaštite prostiru ili su u neposrednoj blizini predmetnog lokaliteta, ako takva postoje i uvjeti za zaštitu izvorišta prilikom izvođenja radova,
 - pregled postojećih korisnika vode sa vodotoka,
 - ocjena mogućnost nastanka negativnih uticaja na druge objekte i postrojenja, korito vodotoka, površinske i podzemne vode, stečena prava korisnika, naselja i sl. i mjere za ublažavanje tih uticaja.
 - 3.2. Dinamika vađenja materijala treba da se vrši u periodu usaglašenim sa ribolovnim društvima iz Zavidovića, odnosno korisnikom ribolovnog prava na ovom ribolovnom području, vodeći računa o periodu mriještenja plemenite ribe.

- 3.3. Izvođač radova dužan je riješiti imovinsko-pravne odnose sa vlasnikom zemljišta za pristup lokalitetu vađenja materijala, kao i do lokaliteta za odlaganje izvađenog materijala, a prije vađenja materijala iz vodotoka.
4. Prije podnošenja zahtjev za izdavanje vodne saglasnosti izvođač radova, sa kojim se sklopi Ugovor o izvođenju predmetnih radova, dužan je izraditi elaborat za vađenje materijala iz vodotoka. Elaborat će se uraditi u skladu sa članom 5. stav (3) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), a isti treba da bude urađen od strane ovlaštenog pravnog lica, (lista «A») shodno Pravilniku o uvjetima i kriterijima koje mora zadovoljiti pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08)), te u skladu sa uslovima datim u dispozitivu ovog rješenja.
5. Uz zahtjev za izdavanje vodne saglasnosti, treba dostaviti sljedeću dokumentaciju:
- Elaborat izrađen u skladu sa uslovima iz dispozitiva ovog rješenja,
 - Ugovor o izvođenju predmetnih radova potpisan sa Agencijom za vodno područje rijeke Save, Sarajevo,
 - Dokaz o izvršenoj uplati upravne takse u iznosu od 60 KM,
 - Ovjerena kopija rješenja o upisu u sudski registar i identifikacioni broj,
 - Saglasnost udruženja sportskih ribolovaca iz Zavidovića na vađenje materijala iz korita rijeke Krivaje na predmetnom lokalitetu «Brezik» u periodu definiranom dodijeljenim ugovorom,
 - Kopija uvjerenja o poreznoj registraciji,
 - Validne dokaze Izvođača da je riješio pitanje imovinsko-pravnih odnosa na trasi pristupnog puta do lokacije vađenja materijala iz vodotoka, te do lokacije za deponovanje kao i na samoj lokaciji za deponovanje izvađenog materijala.
6. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, potrebno je o istim obavijestiti ovu Agenciju (ugovornog organa), a u zahtjevu za izdavanje vodne saglasnosti navesti te okolnosti.

O b r a z l o ž e n j e

Podnosioc zahtjeva, «Agencija za vodno područje rijeke Save» Sarajevo putem «Sektora za realizaciju investicionih projekata» Agencije, je dostavio zahtjev dana 23.08.2021. godine za izdavanje prethodne vodne saglasnosti za vađenje materijala iz korita rijeke Krivaje, kao jedne od mjera za sprečavanje štetnog djelovanja voda na lokalitetu «Brezik», koji obuhvata dijelove zemljišnih čestica označenih kao k.č.br. 3848, K.O. Hajdarevići i k.č.br. 1762 K.O. Krivaja, općina Zavidovići.

Uz zahtjev je dostavljena sljedeća dokumentacija:

- Kopija Rješenja o izmjenama podataka u sudskom registru Općinskog suda u Sarajevu, broj: 065-0-Reg-14-002716 od 21.04.2014. godine izdato od strane Općinskog suda u Sarajevu,
- Kopija obavještenja o razvrstavanju pravnog lica prema klasifikaciji djelatnosti, broj: 07-32.5-45391/12 od 11.12.2012. godine, služba za statistiku za područje Kantona Sarajevo,
- Kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 14.12.2012. godine,
- Kopija Zapisnika komisije za uviđaj na licu mjesta u vezi rješavanja problematike vađenja materijala iz vodotoka Bosna na području općine Zavidovići,
- Kopija odluke broj 30-670-4/21 od 29.07.2021. godine o utvrđivanju potrebe za vađenja materijala iz vodotoka u procijenjenoj količini od 7.650 m³, donesen od strane AVP Sava na temelju izvršenog uviđaja na lokalitetu «Brezik»,
- Kopija katastarskog plana, K.O. Hajdarevići, broj plana 11, UP broj: 06/6-30-3241/2021-3, izdatog 17.08.2021. godine od strane Službe za upravu geodetskih, imovinsko-pravnih poslova i urbanizma Općine Zavidovići,
- Kopija katastarskog plana, K.O. Krivaja, broj plana 4, UP broj: 06/6-30-3241/2021-4, izdatog 17.08.2021.godine od strane Službe za upravu geodetskih, imovinsko-pravnih poslova i urbanizma Općine Zavidovići,
- Kopija Izvoda iz posjedovnog lista broj 82, K.O. Hajdarevići, broj: 06/6-30-3244/21-4 izdatog 17.08.2021.godine od strane Službe za upravu geodetskih, imovinsko-pravnih poslova i urbanizma Općine Zavidovići,

- Kopija Izvoda iz posjedovnog lista broj 52, K.O. Krivaja, broj: 06/6-30-1-3244/21-3 izdatog 17.08.2021.godine od strane Službe za upravu geodetskih, imovinsko-pravnih poslova i urbanizma Općine Zavidovići.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 28/29.08.2021. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnom glasilu «OSLOBOĐENJE». U datom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je slijedeće:

U cilju utvrđivanja činjeničnog stanja, aktom broj: 30-670-1/21 od 21.06.2021. godine formirana je Komisija za utvrđivanje potrebe za vađenjem materijala iz korita rijeke Krivaje na području općine Zavidovići. Nakon uviđaja na terenu, Komisija je dana 23.07.2021. godine sačinila «Zapisnik komisije za uviđaj na licu mjesta u vezi rješavanja problematike vađenja materijala iz vodotoka Krivaja na području općine Zavidovići» u okviru koga je dato stručno mišljenje i priložena foto dokumentacija sa kratkim opisom stanja na terenu i zaključkom za dalje postupanje. U stručnom mišljenju je konstatovano da, na lokaciji «Brezik», po procjeni Komisije, ima oko 7.650 m³ šljunkovitog materijala, te da treba pokrenuti postupak za uklanjanje predmetnog materijala iz korita rijeke Krivaje.

Na osnovu provedenog uviđaja na lokalitetu «Brezik», sačinjenog Zapisnika, stručnog mišljenja i foto dokumentacije, donesena je od strane AVP Sava odluka o utvrđivanju potrebe za vađenja materijala iz vodotoka Krivaja, broj: 30-670-4/21 od 29.07.2021. godine, čime su se stekli uslovi za pokretanje upravnog postupka po službenoj dužnosti, a sve prema odredbama člana 6. Uredbe o načinu dodjele prava na vađenje materijala iz vodotoka («Službene novine Federacije BiH», broj 58/15).

Na osnovu priložene dokumentacije u kojoj je utvrđena potreba za vađenjem materijala iz korita rijeke Krivaje na lokalitetu «Brezik», općina Zavidovići, u procijenjenoj količini od 7.650 m³, u dispozitivu ovog rješenja su utvrđeni uvjeti kojima mora udovoljiti dokumentacija na osnovu koje će se pokrenuti postupak za izdavanje vodne saglasnosti za vađenje materijala, a sve u skladu sa članom 111. stav (1) Zakona o vodama, članom 5. stav (3) i (4) i članom 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Obrađivač akta

Roksanda Školjić, dipl.inž.građ.

2a - Po ovlaštenju
Rukovodilac sektora za izdavanje
vodnih akata



Haris Ališehović
Haris Ališehović, dipl.inž.građ.

Dostaviti:

- AVP Sava – Sektor 30
- ⊖ AVP Sava, ISV-vodna knjiga – ovdje
- Arhiva – ovdje
- AVP Sava – Oglasna ploča